

## YÜGA NGÜ 28

1. Gu de ti Moses chika da churu ne churu ‘buru asid de ka ne?

-Angi me ta ladu gbu gu la.

2. De wu da ta baka gu de ti churu la?

-Wu kpara ka Israel.

3. Wu kpara ka Israel ta baka gu deti churu la ka ne?

-Baka te wa de ti churu gu la ile a churu gu la asidi, Satana bete Pharaoh ile ta tika a siti ngu ka wu kpara ka Israel.

-Baka te me ta gbu gu de ti churu la me ta kpa ladu de wu kpara ka Israel.

4. Iri Moses ta “De ra” la ‘yuga ta ne?

-A yuga ga ma tonon ka me ma.

-A yuga ga adu me neda ma.

-A yuga ga me ngbu kayi ku ta gugu.

-A yuga ga löra te me ta ma nda ma.

5. Me wu ta ga Pharaoh ti tika a che wu kpara ka Israel de wu che Egypt tayi?

-Woyi, me wu wue ‘buru.

6. Gina ngu te ‘yuga ga me sere yi Moses tika aza wu kpara ka Israel asidi agbu Egypt ta ne’ene?

-Ru ka Moses ka mandoro fu teyi gbu kpuru, fu a lugu teyi kpa gbu ru ka mandoro.

7. E’bobosu ngu te ‘yuga ga me sere yi Moses tika aza wu kpara ka Israel asidi ngbu Egypt ta ne ene?

-Kpa Moses fu teyi kungu te’engu to kpayi agbu kombo ka bongo kayi, fu kpakpana a lugu teyi dayi te’engu lugu kopa yi gbu kombo la.

8. Me timea ne da da nu wunda Moses tika a romu fu Pharaoh?

-Haron, inga iyi Moses.

9. Me ile ta akuwa wu kpara ka Israel gbu ngu ak ma mere tima ka wu kpara tika ne?

- Angi me lewu ta fasu, bete ale da de wu ngbu gbu ngu bala de.
- Aangi me mala ta kpekeke fu Abraham ga nina aza wu a lugu agbu tö ka Canana.
- Angi me mala ta kpekpeke fu Abrham ga nina a tima muru kuku wa gbu ngu wa wu kpara ka Israel.
- Me za mamala ngu kayi fu Moses kpekpeke, engu tima inga iyi Moses Aaron tika a wunda Moses.

#### Ni Tanga La Buku Ka Exodus 4:27-28

- 27-Me mala fu Aaron, “Mu nu agbu mgbe su la tika de mu mala Moses”. Fu engu a maka Moses Te da kame fu’wu a faka te’wu.
- 28-Fu Moses a mala fu Aaron wu ngu ‘buru te me tima engu tika amala, bete kap wu ngu tiengu ngbu mere baka e te me mala fefena dea mere.

-Fu wu Moses a ki Aaron a tonono anu gbu Egypt.

-Te’wu moses aki Aaron koro ugbu Egypt tetela, wu ei wu kpara ka Israel ‘buru gbu su ‘borombo fu’wu a mala fu’wu wu ngu ‘buru te me mala fu Moses la.

#### Ni Tanga La Buku ka Exodus 4:29-31

- 29-Moses aki Aaron koro de’wu amgbe wu kpara ka israel ‘buru gbu su ‘borombo.
- 30-Fu Aaron a mala fu’wu wu ngu ‘buru te me mala fu Moses. Fu engu a mere kpa wu ngu te’engu ngbu mere fu kpara ka Egypt la engagira wu amgbe wu kpara ka Israel la.
- 31-Fu’wu a le ngu la kpkpeke. Te’wu fe ga me ifi nga wu bete engu chika kpa baka e te’wu embu la, fu wu achire buru kutu tika ayi ta me.

-Wu kpara ka Israel le ta kpekpeke ngu ku me ti’engu mala fu Moses la?

-Woyi.

-Ambi ta tika ne te’wu kpara ka Israel le ngu ka me la kpekpeke?

-Angi bu me kpikpiyi ti tika a kuwa wu kpara ka Israel.

-Angi bu ngu ka me kpikpiyi ti tika a kuwa wu kpara ka Israel.

-Te a le ngu ka me kpekpeke de la, a nngu ei me ga ne?

-Ga me de muru wu.

-Me tiyi tika a kuwa wu kpara te'wu je ngu ka ni kpekpeke de?

-A'ti de.

-Te aje ngu ka me de la, me ti tika akuwa a de.

-Me ile tika de mu je ngu kani tika de mu kuwa.

-Bu me kpikpiyi ti tika akuwa wu kpara.

-Bu ngu ka me kpikpiyi ti tika akuwa wu kpara.

-Futanga te Moses aki Aaron nza da romu de wu kpara ka Israel la, wu nu kpa tika aronmu de Pharaoh.

### Ni Tanga La Buku ka Exodus 5:1-2

1-Fu wu Moses aki Aaron atafa kpaka Pharaoh fu'wu amala "Dene ngu te me mala, me ka Israel mal: 'Mu che wu kpara kara de wugo, tika dewu gbo nga iri ra agbu mgbe su'".

2-Fu Pharaoh amala, "Me de da tika de ma je ngu kaka na tika ache wu kpara ka Israel de wu go? Mawu me ndara de, ma ti tika a chewu Israel de wu go de."

-Pharaoh mala ta ne te Moses mala ga me mala fefena kpekpeke da' che wu kpara ka Israel de wu go la?

-Pharaoh mala ga, "Ma wu me nda ra de, ma ti tika a che wu kpara ka Israel de wu go de."

-Pharaoh wu me ta de ka ne?

-Angi Pharaoh le tika a wu me de.

-Angi Pharaoh le tika aza ngu ka me kpekpeke de.

- Pharaoh de wu kpara ka Egypt za ngu ka me ta kpekere de.
- Pharaoh de wu kpara ka Egypt iyi ta ta mere ngu te di gbu tö kawu la.
- Pharaoh de wu kpara ka Egypt yi ta wu ra, fe bete kufara de a'bi gara wu nü.
- Wu kpara ka Egypt iyi ta Pharaoh me kawu.
- Pharaoh de wu kpara ka Egypt iyi ta wu e ta me reke, wu yi ta me ta de.
- Gbu wu sikpi ka Pharaoh, a'bi wu kpara le tika aza wu zuka ngu ku me kpekpeke de.
- Enetikine kpa, a'bi wu kpara iche kpo kpa tika aza wu zuka ngu ka me kpekpeke.
- Angi a'bi wu kpara le tika aza ngu ka me kpekpeke de wu zu ngu kakana de, me le de Satana fiti wu kpara.
- Satana fiti wu kpara wu yi ta wu e 'buru bu me tewu le tika ayi tatana de.
- Angi a'bi wu kpar che kpo tika aza zu ngu ka me, me sere Abraham da ngbu baka wu wu kpara ka Israel.
- Me sere tika a tima muru kukuwa agbu nguwa ka wu Abraham de wu kpara ka Israel.
- Me kpa sere tika a ke zu wu ngu gbu buku kayi, te engu ke gbu Abraham de wu kpara ka Israel.
- Buku ka me la wu ei ga Bibilia.
- Me wu ta ga Pharaoh ti tika ache wu kpara ka Israel de wu go agbu Egypt asidi?
- Woyi.
- Me i wu wu e'buru a wu mere te wu la de.

-Fu tanga te Pharaoh hchge kpo tika ale de wu kpara ka Israel go la, mu je la ngu de te me mala fu Moses:

### Ni Tanga La Buku Ka Exodus 6:1

1-Fu me amala fu Moses, “Chichine mu na chika e de ti ma na mere fu Pharaoh: angi tika kpeke kpara ne, ana che wu kpara la dewu go: angi tika kpeke kparane, ana liki wu asidi agbu su kakana la.”

-Me fi tika ayuga mere wezi kayi fu Pharaoh de wu kpara ka Egypt tika ne?

-Tiaka de wu wu ga ni kpikpini mini de zu me.

-Me fi tika ayuga fu Pharaoh de wu kpara ka Egypt ga mere ngu te di gbu tö kawu la de me de.

-Me fi tika ayuga fu Pharaoh de wu kpara ka Egypt ga ra, fe, de wu kufara de wu me de.

-Me fi tika a yuga fu Pharaoh de wu kpara ka Egypt ga a’bi wu nü kawu la de me de.

-Me fi tika ayuga fu Pharaoh de wu kpara ka Egypt ga Pharaoh de me de.

-Me fi tika ayuga wezi yi kpa fu wu kpara ka Israel de wu wu ga ne mini de me kawu.

### Ni Tanga La Buku Ka Exodus 6:2-8

2-Me mala kpa fu Moses, “Ma mera de me.

3-Ma ri koroyi fu Abraham, fu Isaac, bete fu Yakobo baka kpeke me, de iri ra mere miri ma mere tera de wu wu ra de.

4-Ma mere kpa kina kara de wu tika ato tö ku’wu tö ka Canana, te wu ngbu gbugbu baka genzi wu kpara.

5-Ma je gba ka wu kpara ka Israel, te wu kpara ka Egypt ngbu embuwu, bete mafi kina kara dewu.

6-Mu mala fu wu kpar ka Israel, “ma mera de me, bete ma na za yi asidi isa wu kpara ka Egypt. Mana zayi asidi da ngbu baka wu kpara ka tima sene, Mana che iyi tewu siti ngu ka yi ‘buru ti gara gbu löra mgba’ nga.

7-Mana zayi baka zu wu kpara kara, Mana di kpa me kayi. Fu yi a wu ga ma de me, me kayi, te ja yi asidi isa wu kpara ka Egypt.

8-Mana zayi kpa a koro di gbu tö de ti ma mala nganga kpekpeke tika ato fu Abraham, Isaac bete Yakobo. Mana to fuyi da ngbu fuyi ma de me.”

-Me fi tika ayuga wezi yi fu wu kpara ka israel tika de’wu wu ga ni de me kawu Abraham, Isaac, bete Yakobo.

-Me fi tika ayuga wezi yi fu wu kpara ka Israel tika de’wu wu ga ni de me ka’wu, me ka wu kpara ka Israel.

-Angi Pharaoh ti tika ahce wu kpara ka Israel de’wu lugu de’wu de ne, me tono da yuga wu kpeke wezi kayi la.

-Me yuga wu kpeke wezi yi la bayi fu wu kpara ka Egypt bete Israel?

-Me tima siti keke te Pharaoh de wu kpara ka Egypt.

-Gbu gina keke la, me mere de wu ngu agbu Egypt fu tewu ‘buru gbu ngute.

-Keke la ri gbu su de te wu kpara ka Israel ngbu gbu gbu ta de.

#### Ni Tanga La Buku Ka Exodus 7:20-21

20-Moses aki Aaron mere bu ngu baka e ti me mala fu’ wu la, [Aaron] e buru kayi ka ndoro ingagira Pharaoh de’wu kpara kayi ka tima fu engu a mi bu ngu di, fu ngu mere biri gbu Egypt la a fu teyi gbu ngute.

21-Wu si gbu mere biri ka Nile la akpi ‘buru, fu se ngu la kpa atono a’gu sisiti wu kpara ka Egypt te ti tika anzu ma. Ngute ta gbu wu su ‘buru agbu Egypt.

-Fu Pharaoh a nda’ba teyi fu Moses da za keke la asisi, fu engu amala kpa ga ni na ache wu kpara ka Israel de’wu go.

-Te Me za keke la te’wu asidi, Pharaoh du che kpo tika a che wu kpara ka Israel de’wu go.

-E’bobobsu keke, me tima wu arombo gbe.

-Su ka Pharaoh de wu kpara Egypt si 'buru de'wu arombo.

-Keke ti gbu su de te wu kpara ka israel emgbu gbu gbu de.

#### Ni Tanga La Buku Ka Exodus 8:5-6

5-Fu me amala fu Moses, "Mu mala fu Aaron, 'a gbe re kpa yi de ru kayi ka ndoro la fu'wu biri de'wu ngu de mere wu arombo de'wu koro itano fu su ka Egypt.'" "

6-Fu Aaron a gbere kapyi fu wu biri de wu ngu ka Egypt, fu'wu arombo ari akoro asi su 'buru.

-Pharaoh nda'ba teyi kpa fu Moses da za keke la asidi fu engu a mala ga ni na che de'wu kpara ka israel go.

-Te me za keke la teyi asidi, Pharaoh du che kpokpa tika a che de wu kpara ku Israel go.

-Ebabata keke la, me tima wu bukumu.

-Pharaoh, wu kpara ka Egypt 'buru de wu gbu Egypt buka teyi de'wu bukumu la.

-Keke la ri ta gbu su de te wu kpara ka Israel engbu tete na de.

#### Ni Tanga La Buku ka Exodus 8:16-17

16-Fu me amala fu Moses, "Mu mala fu Aaron, 'a gbere kpayi de ru kayi ka ndoro la a mi fu butungu kutu,' agbi Egypt 'buru butungu la ina fu teyi gbu wu bukumu."

17-Wu mere bu bala, te Aaron gbere kpayi de ru kayi ka ndoro la engu nu butungu kutu, fu wu bukumu akoro fu wu kpara de wu nu 'buru. Butungu gbu Egypt 'buru fu teyi gbu wu bukumu.

-Pharaoh nde'ba teyi fu Moses kap da za wu bukumu la asidi ka nina ache wu kpara Israel de wu go.

-Te me za wu bukumu la asidi, Pharaoh du che kpo tika ache wu kpara ka Israel de wu go.

-Ibabala keke, me tima wu yi wü.

-Su ka Pharaoh bete wu kpara ka Egypt si 'buru de wu yi wü.

-Keke la ri kpaka wu kpara ka Israel de.

#### Ni Tanga La Buku Ka Exodus 8:24

24-Fu me amere ngu ne, wu yi wü koro gbe agbu su ka Pharaoh ka ngbungbu bete gbu wu kambu ka wu kpara ka tima kakana, bete agbu Egypt 'buru su siti esaka wu yi wü la.

-Pharaoh nda'ba teyi fu Moses kpa de engu za keke la asidi da mala ga ni na chewu kpara ka Israel de'wu wugo.

-Te me za keke la asidi, Pharaoh du che kpo de'wu kpara ka Israel go.

-Gbu buruve keke la, Me tima kpi fu nü 'buru.

-Wu nü ka Pharaoh baka wu farasi, wu yiti, kambikliki, bete wu meme kpi 'buru.

-Keke la ri koro gbu su de ti wu kpara ka Israel engbu gbugbu de.

#### Ni Tanga La Gina Ngu 9:6-7

6-Gbu gara sikpi la fu me amere ngu la: wu nü ka wu kpara ka Egypt kpi 'buru nü ka wu kpara ka Israel borombo kpi esukawu de.

7-Pharaoh tima wu kpara de wu chika fu'wu a maka 'borombo esuka wu nü ka wu kpara ka Israel kpi de. Momoguma na ile da che wu kpara la de wu go lakini alede.

-Pharaoh nda'ba teyi fu Moses da za keke la asidi da mala ga ni na che wu kpara ga Israel la de wu go.

-Te me za keke la asidi, Pharaoh du che kpo de'wu kpara ka Israel la go.



-Gbu keke mediya la, Me tima keke ka ndü.

-Kute Pharaoh de wu kpara ka Egypt si ‘buru de wu ndü.

-Keke la ri koro gbu su de te wu kpara ka Egypt emgbu gbugbu de.

#### Ni Tanga La Buku ka Exodus 9:10

10-Fu [Moses] za nguwa fu nzo kambu fu’wu aru engagira Pharaoh. Moses su nguwala agbu wege fu ndü akoro ikute wu kpara de wu nü ‘buru.

-Pharaoh nda’ba teyi fu Moses daza keke la asidi da mala ga ni na chewu kpara ga Israel de wu go.

-Te me za keke la teuw asidi la, Pharaoh du che kpo tika de’wu kpara ka Israel la go.

-Gbu keke lronzi la, me tima timiri.

-Timiri li fu su ‘buru gbu Egypt, da siti wu ru de wu e te wu kpara rüka Pharaoh bete nda wu kpara ka Egypt.

-Ngu la ri koro gbu su deti wu kpara ka Egypt engbu gbu gbu de.

#### Ni Tanga La Buku Ka Exodus 9:23-26

23-Te Moses gbere kpayi de ru kayi ka ndoro la to kpa gbu kpi. Me tima mugbara de timiri, fu mugbara asu kpa kuti. Me a tima mere timiri agbu tö ka Egypt;

24-Fu agö ka timiri de mugbara a su agbu wu su ‘buru. A ta de siti timiri de mugbara de mere agbu tö ka Egypt ku te tö la di.

25-Agbu Egypt ‘buru timiri li teyi agbu wu yi - wu kpara de wu nü, a mi wu e ‘buru ta te ga agbu wu yi de kpa wu rü ‘buru aguru tewu.

26-Bu su borombo te wu e mere teyi gbu gbu bala de kayi bu tö ka Goshen, wu kpara ka Israel engbu ta sila.

-Pharaoh nda’ba teyi fu Moses da za keke la asidi da mala ga nina che wu kpara ka Israel la de wu go.

-Te me za keke la sila asidi Pharaoh du che kpo tika ahce wu kpara ka Israel la de wu go.

-Gbu menewa keke la, me tima imbirimu.

-Fuwu imbirimu la azufa du kpa wu ru de wu e agbu yi ka Pharaoh de wu kpwara ka Egypt ‘buru.

-Wu imbirimu la ri koro agbu su de wu Israel engbu tete ta de.

#### Ni Tanga La Buku Ka Exodus 10:13-15

13-Fu Moses agbere kpayi de ru kayi ka ndoro la fu Egypt, fu me a mere mere wege akoro to kpa fu gumba te mere te gbu tö ka Egypt sisiti gbu biti.

14-Wu imbirimu la ri gbu wu su ‘buru gbu Egypt fu a’bi angbu gbu wu su ‘buru. A’bi wu imbirimu koro gbu tö la bala ta kude, wu titika akoro bala tegara kpa de.

15-Wu buka tö ‘buru fu tö angbu ‘buru bibiri wu zü du wu e te di sila futanga mere timiri la ‘buru - we e te ga gbu ru de wu ri ru ‘buru. Wu che e te di baka kpa ru agbu Egypt ‘buru de.

-Pharaoh nda’ba teyi fu Moses da za keke la asidi da mala ga ni na che wu kpara ka Israel la de wu go.

-Te me za keke la asisi, Pharaoh du che kpotika a che de wu kpara ka israel la go.

-Gbu kpa zina keke la, me tima biti.

-Biri su buka tö ka ka Pharaoh de wu kpara ka Egypt ‘buru tika sikpi bata.

-Biri sula mere teyi gbu su ka wu kpara ka Israel ta de.

#### Ni Tanga La Buku Ka Exodus 10:21-23

21-Fu me amala su Moses, “mu gbere kpamu to agbu kpi tika de biri su buka fu Egypt - fu biri su a mere teyi zo wu kpara ti tika

azoro.”

22-Fu Moses agbere kpayi to kpa gbu kpi, fu mere siti biri su abuka tö ka Egypt ‘buru de wu sikpi bata.

23-Kpara ma te ti tika a chika kiriya ama te ti tika ache su kayi anu kpa gbu gara su dewu sikpi bata. Wu kpara ka Israel ta de rü su gbu su kawu.

- Pharaoh nda’ba teyi fu Moses da za biri sula asidi tika fu ni ache wu kpara ka israel la de wu go.

-Te me za biri sula asidi, Pharaoh du che kpo tika ache de wu kpara ka Israel la du.

-A’bi wu keke laru gbu su de wu kpara ka Israel engub gbugbu de ka ne?

-Angi me mala ta kpekepke fu Abraham, israel bete Yakobo ga ni na ö zuka kpu ni fuwu, bete a mere wu wu kpeke wu kpara.

-Angi me i yiuga ta fu Pharaoh, wu kpara ka Egypt, bete wu kpara ka Israel ga ni mini de me, de gara baka ni ma.

-Futanga siti wu keke la, Pharaoh che fi bu kpo tika ache de wu kpara ka Israel la go.

-Futanga siti wu keke la, Pharaoh che sibu kpo tika a je ngu ka me kpekpeke.

-Pharaoh ti tika a mu gu de me fu engu a fu me?

-Ati de.

-Kpara ladu te ti tika a mi gu de me fu engu afa me?

-Kpara ma.

-Ne’ene ina mere teyi fuwu kpara tegu gu de me?

-Me ina mere siti ngu dewu.

-Gbu gara tanga ngu kani la, ni na wu ngu tika adu keke la.